

Script of Evening Gojri News Bulletin 30 March 2025 at 1700 Hrs

ایونینگ گو جری نیو ز بلیٹن مو رخہ 30 مارچ 2025

- 1★ وزیر اعظم نریندرمو دی نے آکاشوانی ور اپنا من کی بات پروگرام غے دوران لوکاں سنگ اپنا خیالات سانجہ کرتاں واں کپڑا غا ضائع ہون با رے عالمی تشویش ور لوہ پائی ہے۔
- 2★ من کی بات پروگرام غا 120 واں شما رہ مانہ بولتاں واں وزیر اعظم نے ”یوگا“ کثرت نانہ بھارت غی طرفوں انسانیت نانہ دتا جان آلو اک تحفو قرار دتو ہے۔
- 3★ وزیر اعظم نے طالب علماں نانہ کہیو جے وے آئندہ گرمیاں غی چھٹیاں غے دوران اپنا مشغلہ ور چلتاں واں نواں ہنر پیدہ کرن غی کوشش کریں۔
- 4★ لیفٹنٹ گو رنر منوج سنہا نے آج جی ایم سی جموں غو دورو لاغے کٹھوعہ تصادم مانہ زخمی ہوا پولیس اہلکاراں غی خیریت دریافت کی۔
- 5★ نوراتراں غا تہوار غے پہلے روز آج پورا جموں صوبہ غا مندران مانہ عقیدت منداں غی خاصی پھیڑ دیکھی جا رہی ہے۔

MKB Textile

وزیر اعظم نریندرمو دی نے آکاشوانی ور نشر ہون آلا من کی بات پروگرام غی 120 وں قسط مانہ ملک تے بیرون ملک رہن آلا لوکاں سنگ اپنا خیالات غو اظہار کیو ہے۔ آج غی اس قسط مانہ وزیر اعظم نے کپڑہ غی ردی غا مسئلہ ور لہو کہلی۔ یوہ کہتاں واں جے یوہ پوری دُنیا واسطے اک سنگین تشویش غو باعث بن چکو ہے۔ اُنہاں نے اس تحقیق ور اپنی فکر غو اظہار کیو جس مانہ پایو گیو جے کپڑہ یعنی ٹیکسٹائل غی ردی غو صرف اک فیصد ہی دوبا رہ استعمال غے قابل بنایو جا ئے۔ اُنہاں نے کہیو جے بھارت دُنیا مانہ تیجو سب تیں بڑو ملک ہے، جت سب تیں زیا دہ ٹیکسٹائل غی ردی پیدا وے۔ اس موقع ور بولتاں واں وزیر اعظم نے مزید گجھ اس طرح کہیو۔ بائٹ۔۔۔

Water Harvesting

پانی غا ذخیرہ غا حوالہ سنگ بات کرتاں واں وزیر اعظم نے کہیو جے جیسو ہی گرمیاں غو آغاز وے، شہراں تے دیہاتاں مانہ پانی بچان غی تیاریں شروع ہو جائیں۔ اُنہاں نے اس گل ور اطمینان غو اظہار کیو جے پانی غا ذخیرہ تے پانی غا تحفظ غے متعلق کم کئی ربا ستاں مانہ اک نویں جہت اختیار کر چکا ایں۔ وزیر اعظم نریندرمو دی نے مزید کہیو جے ہر سال غی طرح اس سال وی بارش نانہ پکڑو یعنی ”کیچ دا رین“ مہم غے تحت وسیع تر تیاریں کی گئی ایں۔ اس بارے مزید اُنہاں نے اس طرح کہیو۔ بائٹ۔۔۔

Khelo India Pera games

حال ہی مانہہ اختتام پزیر ہون آلی کھیلو انڈیا پیرا گیمز غا با رہ مانہہ بات کرتاں واں وزیر اعظم نے کھلاڑیاں غی لگن تے صلاحیتاں نانہہ سراہیو۔ اُنہاں نے اس گل ور خوشی غو اظہا ر کیو،جے اس با رے ان کھیڈاں مانہہ پہلاں غا مقابلہ مانہہ زیا دہ کھلاڑیاں نے حصو ليو ہے۔ جھپڑو کہ پیرا کھیڈاں غی بدھتی مقبولیت نانہہ ظاہر کرے۔ اس با رے مزید اُنہاں نے اپنا خیالات غو اظہا ر اس طرح کیو۔۔۔بائٹ۔۔

Yoga

تندرستی غا موضوع ور وزیر اعظم نریندرمو دی نے کہیو جے بین القوامی یوم یوگا غا آغاز مانہہ 100 دِن تیں وی کھٹ باقی ایں۔ اُنہاں نے لوکاں ور زور دتو جے ویں یوگا نانہہ اپنی زندگی مانہہ شامل کریں۔ اس موقع ور اپنا خطاب مانہہ وزیر اعظم نریندرمو دی نے مزید اس طرح کہیو۔۔بائٹ۔۔

Summer

من کی بات پروگرام غی اس قسط غے دوران وزیر اعظم نے طالب علمان نانہہ مشورو دتو جے وے گرمیاں غی چھٹیاں مانہہ کوئی نوو مشغلو اپنا ویں تے تعمیری سرگرمیاں مانہہ حصو لیں۔ وزیر اعظم مو دی نے اس گل ور زور دتو جے یوہ ہی وقت ہے کہ اک نوو مشغلو اپنايو جائے تے اپنی صلاحیتاں نانہہ نکھاریو جائے۔ اس با رے بولتاں واں اُنہاں نے گُجھ اس طرح کہیو۔۔بائٹ۔۔

PM Festivals

وزیر اعظم نریندرمو دی نے آج چیترا نو راتری غا موقع ور پورا مُلک غا لوکاں نانہہ مبارکباد دتی ہے۔ جس غی شروعات آج تیں ہوئی ہے۔ بھارتیہ نوو سال وی آج تیں شروع ہو رہیو ہے۔ وزیر اعظم نے خوشی غو اظہا ر کیو جے بکھ بکھ ریا ستان غا لوکاں نے مختلف تہواراں غا حوالہ سنگ اپنی مقامی زبان مانہہ اُنہاں نانہہ مبارکباد پیجیں۔ اُنہاں نے کہیو جے مہارہ تہوار مُلک مانہہ انیکتا مانہہ ایکتا نانہہ ظاہر کریں۔ اس موقع ور بولتاں واں وزیر اعظم نریندرمو دی نے مزید گُجھ اس طرح کہیو۔۔بائٹ۔۔

مزید خبراں نال باغ علی طاہر۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

LG GMC Visit

لیفٹنٹ گو رنر منوج سنہا نے گو رنمنٹ میڈیکل کالج ہسپتال جموں غو دورو لاغے حال ہی مانہہ کٹھوعہ مانہہ دہشت گرداں سنگ ہوا اک ٹاکرا غے دوران زخمی ہوا پولیس غا جواناں

غی خیریت پُچھی۔ سینئر ڈاکٹراں غی اک ٹیم نے اس موقع ور ایس ڈی پی او بارڈر کٹھوعہ دیرج کٹوچ تے ایس پی او بھرت جلیہوترہ غا اعلاج با رے لیفٹنٹ گو رنر نانہ جانکا ری دتی۔ ایل جی موصوف زخمی ایس ڈی پی او تے ایس پی او غا خانداناں سنگ وی ملاقی ہوا۔ تے اُنہاں نانہ ہر ممکن مدد غو پھروسو دوايو۔ اُنہاں نے ہسپتال انتظامیہ نانہ ہدایت کی بے جے زخمیاں غی تاؤلاں صحتیابی غی خاطر اُن نانہ ہر ممکن بہتر علاج مہیا کران نانہ یقینی بنایو جائے۔

Pilgrims Rush

آج چیتہ نو راترا غے پہلے روز ماتا ویشنو دیوی غی گُفہ غا درشناں واسطے پورا جموں ڈویزن تیں آن آلا یا تریاں غی پھیڑ مانہ خاصو بابدو دیکھیو جا رہیو ہے۔ استوں علا وہ جموں مانہ باوا والی ماتا غا مندر، کول کنڈولی ماتا مندر نگرہ تے کٹھوعہ ضلع مانہ سُکرالہ ماتا غا مندر مانہ وی عقیدت منداں غی پھیڑ دیکھی جا رہی ہے۔ 9 روز توڑی چلن آلو نوراتری غو یوہ تہوار دُرگا ماتا غے ناں وقف ہے، جھیڑو رام نو می غے روز اختتام پذیر ہو جائے گو۔ شری ماتا ویشنو دیوی شرائین بورڈ غا سی ای او آنشل گرگ نے آکاشوانی نیو ز سنگ گل کرتاں واں اس راہ دسیو۔۔۔بائٹ

Eid Market

عید الفطر غا تہوار غی آمد غے پیش نظر پورا جموں مانہ خریداراں غی خاصی پھیڑ دیکھی جا رہی ہے۔ عید توں پہلاں شہر غی رونق مانہ بابدو ہو گیو ہے۔ شہر غا رگھو ناتھ بازار، پُرانی منڈی، سیٹی چوک، راجندر بازار، تے ریزڈینسی روڈ اور گا ندھی نگر ما رکیٹ غا علاقہ مانہ بڑی تعداد مانہ لوگ عید غی خریداری کرتا دیکھیا جا رہیا ہیں۔ شہر مانہ خریداری کرن آلاں مانہ زیا دہ تر خواتین تے بچہ بڑا جوش و خروش سنگ ملبو ثات تے کھان پین غی چیزاں غی خریداری مانہ مصروف دیکھیا جا رہیا ہیں۔ اس موقع ور مہا را نمائندہ سنگ گل کرتاں واں اک مقامی شخص غو کہنو تھو۔۔۔بائٹ۔۔

Kishtwar Martial Arts

ضلع انتظامیہ کشتواڑ غی طرفوں 8 تیں 18 بہراں غی عمر توڑی غی لڑکیاں واسطے مارشل آرٹ تربیتی پروگرام شروع کیو گیو ہے۔ بیٹی بچاؤ بیٹی پڑھاؤ سکیم غے تحت شروع کیا جان آلو یوہ پروگرام 3 مہیناں توڑی جا ری رہے گو۔ جس غو مقصد نوجوان لڑکیاں نانہ اپنا دفاع غے قابل بنانو تے جسمانی چُستی پیدا کر غے اُن مانہ اعتماد پیدا کرنو ہے۔ لڑکیاں واسطے شروع کیا جان آلو یوہ پروگرام ہدیال، بٹا، گلیڈ تے گو رنمنٹ گرلز با ٹر اسکندری اسکول کشتواڑ مانہ منعقد کرایو جائے گو۔ یوہ تربیتی کورس لڑکیاں نانہ کشتواڑ ما رشل آرٹس اکیڈمی غی طرفوں کرایو جائے گیو۔
